

redemptor noster et reparator primae perfectionis, sicut Adam^a sexta die ex virgine terra^b creatus^c est, ita ille¹ sexta aetate ex virgine Maria factus est homo, ut^d senarii numeri^e perfectionem^f suo dicaret adventu, quam in primi hominis monstravit conditione. c. 798

Item progressionem numerorum articulis, quasi quibusdam unitatibus, ad infinita crescere per quasdam finitas formas videmus. Nam prima progressio numerorum est ab uno usque ad decem^g. Secunda a decem^g usque ad centum. Tertia^h a centenariio numeroⁱ usque ad millenarium. Et eandem regulam perfectionis vel imperfectionis, quam^k prima unitas in suis numeris sub^l denario servat, eandem et secundam^m in suis denariis sub centenariio servare necesse est. Nam sicut senarius numerus in suis partibus per unitatem positusⁿ perfectus est in se ipso, ita et sexagenarius² partibus suis positus per denarium perfectus esse dinoscitur^o, ita ut semper in sexagenariio numero denarius numerus locum obtineat^p unitatis in senario, et sit^q illius divisio per partes suas eiusmodi: medietas sexagenarii est tricenarius, sicut ternarius senarii; et est tertia^h pars vicenarius, sicut binarius in senario; et denarius in eo locum tenet^r unitatis; quae summa si colligitur eundem implet^s sexagenarium. Decem itaque et viginti et triginta, sexaginta sunt, sicut et tres et duo et unum, sex.

Poteris et per te ipsum iuxta eandem regulam octogenarii explorare diminutionem. Nam octogenarii quadragenarius medietas, et viginti quarta pars, et denarius octava: quae simul ducta septuaginta faciunt^t non octoginta; decem^u et^v viginti et quadraginta, septuaginta sunt.

Sexaginta vero reginae et octoginta^w concubinae rectores sunt sanctae ecclesiae. Sed alii^x ex illis propter solam caritatem^y Christi docent; alii terrena sequentes comoda laborant in ecclesia non caelestis patriae ardore^z, sed terreni^a lucri gratia desudant in docendo. Hi^b 3 in^c sua imperfectione octogenariio numero comparantur^d, illi perfecta beatitudine sexagenariio designantur et^e reginarum numero^f digni efficiuntur^g, quia spiritalem sobolem propter amorem solummodo sponsi et multiplicandis filiis in caelestem patriam felicem prolem baptizando seu praedicando generare non desistunt^h. Illi vero concubinarum nomine denotantur, quia seculi ambitione vel temporalis honoris gratia praedicando seuⁱ baptizando nobiles quidem generant saepe^k filios, sed illi ignobiles in semetipsis^l permanent.

Quorum tu^m contubernium, fili carissimeⁿ, fuge^o, obsecro, et si te quandocumque Dei misericordia doctorem dignetur efficere, tu pro eius amore laborare non cessa^p, qui pro tua^q salute sanguinem suum fundere^r non dubitavit, ut tibi sit merces^s non periturae divitiae, sed perpetua gloria in caelesti thalamo domini nostri^t Iesu Christi, cui laus et gloria in omnes aeternitates. Amen.

a) prime perfeccionis s. Idam Z. b) terrae E, G. c) creata E, G. d) aut Z, T. e) numero Z, T. f) perfeccionem Z. g) decim E, G, Z. h) tertia Z. i) om. G, Z. k) quae E, G; quae Z, corr. Frobenius. l) pro Z. m) secunda G. n) positus Z, T. o) perdinoscitur Z, pred. T. p) optineat Z. q) fit corr. Jaffé. r) teneat G, Z, S, T. s) impleat G, Z, S, T. t) fatiunt G. u) octaginta decem Z. v) om. Z, T. w) octuginta Z. x) aliis T. y) Christi caritatem Z, S, T. z) ardorem G. a) terrē G. b) Hii G, Z. c) om. Z. d) comparantur Z. e) ut Z. f) nomine Z. g) efficiantur Z. h) desinunt E. i) vel G. k) sepe gen. E, G. l) se ipsis E. m) om. Z, T. n) karissime E, S. o) fulge Z. p) cesse Z, T. q) tu G. r) fudere Z. s) mercis G, Z. t) om. T.

1) Cf. Alc. Comment. in Ioh. I. V c. 12 v. 1 (Opp. I, 579). 2) Cf. infra ep. 148. 3) Comm. in Cantic. cant. (Opp. ed. Frobenius I, 403): Et ideo illae perfectione senarii numeri per decalogum multiplicatae, hac octonarii imperfectione non sinceriter decalogum servant designantur.